



Mojaho wa diphoofolo

Sesotho



Harold Gondwe

Mojaho wa diphoofolo

E ngotswe ke Harold Gondwe
Motaki wa ditshwantsho ke Moses Dhladhla



E fetoletswe ke Mpho Ntaka

Ka letsatsi le leng ho ile ha nehelanwa ka sememo diphoofolong tsohle hore di ngodise mabitso a tsona bakeng sa mojaho wa diphoofolo. Tjhelete ya boingodiso ya mojaho oo wa diphoofolo, ene ele diranta tse leshome. Diphoofolo di ne di tla matha mojaho wa sebaka sa bolelele ba dikhilomitara tse hlano ka palo.



Mohlodi wa mojahong oo wa diphoofolo ya hlahileng boemong ba pele o ne a tlo putswa ka diranta tse lekgolo, athe ya hlahileng boemong ba bobedi o ne a iphumanela diranta tse mashome a mahlano e be wa ho qetela ya hlahileng boemong ba boraro o tla fumantshwa diranta tse mashome a mararo.



Mmutlanyana o ne a thabile haholo ka mojaho ona wa diphoofolo mme a qalella ho ikwetlisa hanghang. "... Taba ya pele ke hore ke se ke ntse ke hlotse le ho hapa boemo ba pele, ha ho le ya mong ya tla mphihlela a ntlhole, kaofela ha lona le ya tseba ..." ho rialo Mmutlanyana.



“Helang Mmutlanyana! ... O itshepa ha kakang wena hle. O tsebella kae hore o tla hlola, o be mohlodi re eso mathe le ho matha mojahong oo?” Ho botsa Kgudu ka ho makala ho hoholo.



“... Fela wena Kgudu o ka siya mang?”

Mmutlanyana a botsa a tsheha.

“Ebile o seke wa ikgathatsa ka hore o tlo matha le rona mojahong ona.” Ho rialo Mmutlanyana, antse a tsheha, a soma Kgudu.



Letsatsi la mojaho wa diphoofole la fihla.
Diphoofole tsohle di ne di apere marikgwe
a makgutshwane mme marikgwe ao ane a
ngotswe dinomoro ka morao. Lethabo le neng
le bonahala phoofolelong e nngwe le e nngwe
hammoho le Kgudu, le ne le bontsha ebile ho
bonahala hore ene e hlile e itokiseditse mojaho.



Ha utlwahala lentswe le tswang hole ho tswa ho mohasi wa mejaho ya diphoofole le re: “Mojaho wa diphoofole o se o tla qala, e mong le e mong a hle a itokise.” Sena se ile sa latelwa ke modumo wa sethunya, wa re Phaaaa! Ho bontsha hore mojaho o se o qadile.



Mojaho ona wa diphoofolo o ne o mathelwa sebakeng se moepa haholo, tseleng e nyolosetsang haholo. Kgudu ya nahana leqheka la ho ka hlola mojaho ona. Kgudu o ile a pata hlooho le maoto a hae ka hare ho kgaketla ya hae, a thethehela fatshe ho fihlela moleng wa ho qetela wa mojaho, e leng palong ya tlholo.



Kgudu a hetla morao, a bona mmutlanyana hammoho le diphoofole tse ding a le hole le tsona, di etla di matha ho leba palong ya tlhoho. A atamela moleng wa tlhoho, yaba o se a utlwahala a se are: "... ke mohlodi, ke mohlodi, ke nna mohlodi ke nna mohlodi ..." Ha a bua jwalo, o ne a bile a opa matshoho a tsheha haholo, a bile a keketehile ...



Yaba Mmutlanyana o atamela palong ya tlholo,
a hoeleditse ka bohale a re:

“... Seo seka se kgonehe, ha ho kgonahale.

Kgudu a ka hlola mojaho oo jwang, a sa kgone
le ho matha ...? Ha re etseng dipatlisiso.”

“... Nnete ke hore ke nna mohlodi.”

Ho rialo Kgudu ka boikgohomoso le boitshepo,
antse a tsheha ...”



DITEBOHO

E ngotswe ke

Harold Gondwe

Motaki wa ditshwantsho ke

Moses Dhladhla

Mohlophisi

Mavis Ndlovu

Moqapi

PixelPing Design

Mofetoledi

Mpho Ntaka

Mosireletsi wa Boleng

Matebogo Makhutle



ISBN 978-0-638-00713-8



basic education
Department:
Basic Education
REPUBLIC OF SOUTH AFRICA

